



Utselt: Vamp kjem til lungsdalen i august. Biletet er frå konserten deira i Ål kulturhus i november 2008. FOTO: Kjersti Elverum Kvile

Vamp utselt på få minutt

Billettane til Vamp-konserten i lungsdalen var rivne bort i løpet av eit kvarter.

Av: Tone Merete Tho - Publisert: 15.01.10

21. august blir tidenes andre Leikskei i Skarvheimen arrangert ved lungsdalshytta.

Fredag klokka 08 vart det lagt ut 500 billetter til konserten med Vamp og arrangementet Leikskei.

Trøkket på telefon, internettsida og i skranken på Ål kulturhus var enormt.

Klokka 08.15 kom beskjeden om at billettane var utselt.

– Det er vanskeleg å seie akkurat når det var utselt, men det var nok rundt kvart over åtte, trur kulturhusleiar, Thor Olav Fjellhøi.

Fjellhøi fortel at dei skjønnte at det kunne bli stor pågang. Konseptet Leikskei er populært, og bandet Vamp trekkjer alltid mykje folk i Hallingdal.

Allereie klokka 06.45 stod dei ivrigaste billettkjøparane i kø ved kulturhuset.

Dei fleste som hadde møtt opp før salet opna fekk kjøpt billett, men seinare på dagen måtte fleire snu i døra.

Ikkje sidan riverdance-feberen herja har kulturhuset opplevd slik pågang på billetter.

– På den eine sida er det utruleg gøy, men samstundes fører det med seg at ikkje alle som vil får billetter. Slik er det, seier Fjellhøi.

– Kvifor legg de ikkje ut fleire enn 500 billetter?

– Me meiner at 500 billetter er det som er forsvarleg for å få eit kvalitetssikra arrangement, seier Thor Olav Fjellhøi.

I fjor opplevde 350 publikummarar Kari Bremnes. Ein har auka med 150 billetter, og meiner det er så mange ein kan få plass til ved lungsdalshytta utan at folk må stå veldig trengt.

Leikskei er eit arrangement som byr på musikk, mat og natur.